



Pelajar UPM Tingkat Kemahiran Bahasa Perancis di Universit  de Franche-Comt 



BESANÇON, 14 Dis – Lima pelajar Fakulti Bahasa Moden dan Komunikasi (FBMK), Universiti Putra Malaysia (UPM) meningkatkan kemahiran bahasa Perancis di Universit  de Franche-Comt .

Pelajar semester keenam Bachelor Sastera Pengurusan Bahasa Perancis, Fatin Najlaa Malik, Norakmar Maisarah Shari, Tan Wei Yu, Yeoh Kean How, dan Hanna Md. Yahaya mengikuti program Mobiliti Pelajar anjuran Pusat Antarabangsa UPM.

“Melalui program ini, kami berpeluang mempraktikkan bahasa Perancis yang dipelajari di UPM untuk berkomunikasi dengan penduduk tempatan.



Fatin Najlaa Malik.

“Ini secara tidak langsung dapat mengasah kemahiran bahasa Perancis saya ke tahap yang lebih tinggi,” kata Fatin yang ingin melanjut pelajaran dalam bahasa tersebut ke peringkat Master satu hari nanti.

Pengalaman mereka turut dikongsi bersama pelajar lain di dalam majlis Perkongsian Pengalaman Pelajar Program Mobiliti ke Negara Perancis yang dirasmikan oleh Dekan FBMK, Prof. Madya Dr. Che Ibrahim Salleh.



Program mobiliti yang bermula pada 29 November hingga 14 Disember itu dikendalikan oleh penyelaras program major Bahasa Perancis FBMK, Dr. Omrah Hassan@ Hussin.

“Lima pelajar ini turut tinggal bersama penuntut Malaysia yang mengikuti pengajian Bahasa Perancis di sana.

“Program mobiliti seperti ini merupakan satu bentuk inisiatif untuk meningkatkan nama UPM di Eropah selaras dengan statusnya sebagai antara Universiti Penyelidikan di Malaysia,” katanya.



Dari kiri Yeoh, Najlaa, Tan, Hanna dan Norakmar.

Berita ini disediakan oleh Seksyen Media, Bahagian Komunikasi Korporat UPM. (Mohd Faisal Md Noor, 03-89466154).